

Den # AMBIENTE



MELONY PAESCH UN DIGNO REINA INFANTIL 1992

Awe lo baha su corona cu orguyo

**** MELONY MICHEL-LINE PAESH**, sin duda merece un *gran elogio*, debi di a sabi di representa su titulo como **REINA INFANTIL 1992**, den un solo palabra **DIGNAMENTE**. E presioso Reina aki si a goza sin fin, y no a falta **NI UN SOLO ACTIVIDAD** durante temporada di carnaval 1992, y 1993.

Melony no solamente a representa su titulo dignamente durante temporada di Carnaval, pero tambe durante henter aña e la sabi di asisti cu su corona den un forma excepcional na tur e actividadnan cu e la wordo invita.

Durante henter aña e la wordo invita na varios actividadnan manera, *eleccion Little Miss Universe*, *Miss Prinsecita*, caminda e tabata tin e honor pa corona e Reina saliente nan. Tambe Melony a corona varios Reina di carnaval di mayoria *speel school*.

Melony tabata tin e honor di a haci varios aperturanan oficial e.o. *Fridays Cafe*, y cu su grupo *"It's a small world"* tabata invitado especial na



apertura di lotto leage na Centro di Bario Noord.

Dia 10 di Juni cu tabata su cumpleaños, e la celebre hunto cu e muchanan di **IMELDAHOF na Wendys**,

caminda nan a goza un mundo den un party animal.

Algo hopi great y inolvidable pa Melony tabata

caminda e tabata tin e honor pa ricibi y brinda varios artis-tanan di fama mundial na nan yegada na airepuerto, un caluroso **BON BINI** aribanos dushi isla **ARUBA**. Melony orguyosamente a sabi di ricibi *Gloria Estefan*, *"Sweet Sensation"*, *"TKA"*, *Coronel*, y tambe *Carolina Iszak Miss Venezuela 1992*.

Na luna di September e la sera amistad cu e artista *Cavita*, kende tabata tin e papel di mucha siéga den e telenovela *"Cara Sucia"*, y cu porsiento *ainda nan tin contacto cu otro*.

Henter aña e la wordo invita

na varios cumpleaños di muchanan tur rond di Aruba. cu tabata su fansnan actual-mente e ta forma parti di e popular grupo *Pierewietje*, cual e ta gusta masha hopi mes y ta divirti un mundo den e fantastico grupo aki.

Durante tur su compromiso- nan e la sera amistad cu masha hopi hende mes, y ta net locual cu e ta gusta tambe **DEN AMBIENTE** por a compronde cu pa awe du- rante su ultimo caminata, e lo tin un fabuloso show hunto cu su grupo prepara nunca visto.

HIEP HIEP HOERRAAAA!



**** Mayan dia 7 di Februari ta cumpli un aña mas di bida. DEN AMBIENTE su "PRETO WOWO", YADIA PETERSON.**

E ta ricibi pabien di su ruman stima Yadienne, Mamie Suzy, su primanan Crystal, Silviénne, Cathleen. Tambe di su amiguitanan di Fransisca klueterschool, y Gislein Gomez. For di Curacao e ta ricibi pabien di su amiguita stima Bertinda Engelhardt.

Naturalmente OPA Y OMA, Omo Juanchito y Padrino Leo y Madrina Martha ta manda hopi sunchie y brasa pa e Gloria Estefan di Aruba. Papie ta desea su **ETERNO REINA** hopi aña mas di bida cu yen di **AMBIENTE**.



**** Melony Paesh den V.I.P. room di Airepuerto, sinta manera un pauwisnan meimei di e artista Mundialmente famoso, Gloria Estefan y su querida Mama Lientje.**